

जोबथा आनजाद
थाखो-जिनै (XII)
बर' (BODO)

होखानाय सम- 3 घन्टा

गासै नम्बर-90

बिथोनफोर: गासैबो सॉलुफोरनि फिननायखौ लिर।

SECTION-A
(Reading Comprehension)

1. (क), (ख), (ग) फरा खोन्दोखौ फरायनानै सॉलुफोरनि थार फिननायखौ लिर।

(क) साफ्रोमबो सुबुंनाव जोनोमजों लोगोसे इसोर हरखानाय अरखि थाखाया। बेनि बे अरखिखौ सानसे समाव जोंब्लावगोन होननानै आसा खालामनाय जायो। बे अरखिनि जोंब्लावनायनि जोंथिमायानो लासै लासै बेनि जिउ थसेनि आगानखौ दिन्थियो। जिवा जेब्लाबो मोनसे खारनायनि बादि, मोनसे दावहा, एबा मोनसे जुजिनाय। बेयाव सुबुडा मालायखौ फेजेननानै गाव बारगनो नाजायो। जुजिनायनि बे हुदाया मानसिनि गोहोखौ फेहेरो आरो नाजानायखौ अरायबो बारायहोयो। सोलेर बिजिरगिरिफ्रा बेखोनो असे जिराद, थानो लुबैनाय आरो जाखानो लुबैनाय होनना बुंदों। बिथांमोनहा बे जिरादखोनो मानसिनि 'आं' होनना बुंदों। बे 'आं' आनो जिउनि आसोल, दंनायमानि गोहो आरो देरहासाद मुंनि निप्रा। बे 'आं' आ खनसे उन्दुबायथाय गुबै जिवा गोमोरखाबाय।

4x1=4

1) 'अरखि' सोदोबजों माखौ फोरमायनाय जादों?

- (i) गियान।
- (ii) नांथाबनाय।
- (iii) बोलो

2) खारनायनि बादि होनना माखौ बुंनाय जादों?

- (i) मानसिखौ।
- (ii) देहाखौ।
- (iii) जिउखौ।

3) सोलेर बिजिरगिरिफ्रा असे जिराद होनना माखौ बुंदों?

- (i) जुजिनायनि बोलोखौ।
- (ii) जुजिनायनि सोलोखौ।
- (iii) जुजिनायनि हुदाखौ।

4) देरहासाद मुंनि निप्रा होनना माखौ बुंदों?

- (i) आंखौ।
- (ii) जोंखौ।
- (iii) बिखौ।

(ख) खन्थाइगिरि अमरनि रुबायातनि बिसाना गासै मोन 722। बे रुबायातफोखौ खृष्टनि उन जिगु जौथायाव एड'बार्ड फिट्जारेल्डा इंराजी रावाव दानस्लायनानै बुहुमनि गुबुन गुबुन थुनलायाव बेनि मिलौहाब बिदैखौ बिलायनानै होलादों। सुफी दोहोरोमनि साधनाया अमरखौ गोसो गुबै अनफावरि

02/16
S P Chaimang
2/2/16

खालामदोंमोन। सुबुंनि दुखु-दाहाखौ बिथाडा जोबोद मोनदांनायमोन। बेनिखायनो बिथांनि लिरनायनि गेजेरजों निदानाव गेरेबनायनि हांमाया गोसो सोरखिनाय रावै बेरखांनायमोन। माहारिनि इनायबानाय दोहोरोमनि आब्रा बान्दो, आरो थगाय-थसिया बिथांनि मेगननि सुमोन। फारसेथि बिथाडा जेरै सानसुमा, बेरा फारसेथि जंबादि गोफाद बाश्रा बानजों जावख्लाबनो हानाय गोहोआबो बिथाडा जोबोद दंसो गारोमोन। बेनिखायनो अनफेनाय आरो गोफाद बाश्रा बानजों जावख्लाबनो हानाय गोहोआबो बिथांहा जोबोद दंसोगारोमोन। बेनिखायनो अनफेनाय आरो गोफाद बाश्रा बान बे मोननैनि गोरबथायनायजों बिथांनि खन्थाइफ्रा गोमोथाव महर मोनदों।

4 x 1 = 4

1. रुबायतखौ सोर लिरदोंमोन?

- (i) एड'वार्ड फिट्जारेल्ड।
- (ii) अमर।
- (iii) समर।

2. रुबायतनि बिसाना गासै मोन बेसेमोन?

- (i) मोन 720।
- (ii) मोन 721।
- (iii) मोन 722।

3. सुफी दोहोरोमनि साधनाया अमरखौ मा खालामदोंमोन?

- (i) सानफावरि।
- (ii) अनफावरि।
- (iii) नुवाथारि।

4. अमरनि खन्थाइफ्रा मानो गोमोथाव महर मोनदोंमोन?

- (i) दोहोरोमनि आब्रा बान्दोनि थाखाय।
- (ii) थगाय-थसिनि थाखाय।
- (iii) अनफेनाय आरो गोफाद बाश्रा बाननि थाखाय।

(ग) रहस्य सानथौनि बाश्राखौ बिजिरब्ला जों नुनो मोनो, बेनि जोनोमा जादोंमोन सानजा मुलुगनि गुबै दोहोरोमफोर जोनोम जानाय मुगायावनो। ग्रीच आरो इजिप्तावनो खृष्टीय मुगानि आवगायाव बे सानथौनि जोनोमखौ नुनो मोनो। छक्रेटिछा मुलुगनि रुबखौ मोजां मोननायनि गेजेरजों सोरगोनि रुकखौ मोन्दांनायनि लामाखौ फोरमायलांदों। बिथांनि सोलोंसा प्लेटिनाछखौ इउरपनि रहस्य सानथौनि जोनोमगिरि होननानै बुंनाय जायो। बिथांनि बादिब्ला इसोरा रावनिबो गुबुन सासे नडा, बियो दंनायमानि मुवायावनो नुजाथियो। प्लेट'नि साननायाबो गुबैयै रहस्य सानथौ। बिथाडा सानोमोन, गियाननि हाबिलास रुपखौ सिबिनाय बेफोर जादों जिउमानि समान मुवाजों गोरबहैनायनि हाबिलास।

4x1=4

1. सानजा मुलुगनि गुबै दोहोरोमफोर जोनोम जानाय मुगायाव माया जोनोम जादोंमोन होनना सानो?

- (i) बाथौ सानथौ।
- (ii) रहस्य सानथौ।
- (iii) दाफाय सानथौ।

2. रहस्य सानथौनि जोनोमा बबेयाव जादोंमोन?

- (i) रासिया आरो इजिप्ताव।
- (ii) ग्रीच आरो इजिप्ताव।
- (iii) भारत आरो रासियायाव।

3. माखौ मोजां मोनोब्ला सोरगोनि रुकखौ मोनदांनो लामा मोनो होनना छक्रेटिछा बुंलांदों?

- (i) मानसिनि रुकखौ।
- (ii) मिथिगानि रुकखौ।
- (iii) मुलुगनि रुकखौ।

3. प्लेतिनाछा सोरमोन?

- (i) छक्रेटिछनि लोगो।
- (ii) छक्रेटिछनि सोलोंसा।
- (iii) छक्रेटिछनि फिसाला।

2. गाहायाव होनाय फराखौ मोजाङ्कै फरायना बेनि सानस्रिखौ गावनि रावजों लिरफिन (मोन 100 सोदोबनि गेजेराव) :

जोंदि सिथर बेरोब्ला बिमानि मुं लायो, आइजोफोरा आरज गाबो बेफोर थारैनो दोहोरोमारि आफादसो। बेरामजों बेनि जेबो सोमोन्दो गैया। नाथाय बेरामिनि नवाव आरज गाबनानै प्रसाद जाब्ला बेनि गेजेरजों बेरामि आरो आबार लाग्राफोरजों लोबबा जानायनि जाउनाव सुबुंनि देहायाव बे भाइरासा गोसारनो हागौ।

3. गाहायाव होनाय खन्थाइ खोन्दोखौ फरायनायनि उनाव सोंनाय लेखा फिन हो:

3x1=3

मोदै

दुखुनि बिलोगो सुखुनि बिहारि जाय
बिनो जादों नों मोदै सना आगै।
दुखुवा नोंखौ आखाइ फायखननानै
लिहरो जेब्ला फै फै होनै होनै
मेगननि दरखौ ब्ला नोडो नारखावफैयो
जोंथि महरै ब्ला र नुजाफैयो।
सुखुखौ नोडो नायनो हायैबादि
बिहारि सानथारो,
बियो फैबोला रोंगौल' नोडो
खालि मेगन मोखेबनो।
हे मोदै! सुखुखौ बिलोगो खालामनानै
बियो लिहरोब्ला थाबनो खारबोनानै,
गुफुर गावदां मिनिजि खिथिनानै
नुजाफैदे सना नुजाफै।

- (i) खन्थाइगिरिया मोदैखौ मा सोमोन्दोजों गाबज्रिदों?
- (ii) सुखुखौ सोर बिहारि सानो?
- (iii) सोरखौ नुयोब्ला सोर मेगन मोखेबो?

SECTION-B
(Writing Skills)

3. क) गोथां जांखुथाइ (Green Revolution) आ भारतनि खामानि मोनैनि जेंनाखौ फोजोबनो हागोन। -बे बाथ्राखौ बयनोबो मिथिहोनानै सांग्रां खालामनो गांसे मिथिसार बिलाइ लिर। (मोन 500 सोदोबनि गेजेराव)

10

ख) आसामनि दैबानानि जेनाखौ फोजोबनायनि राहा होना नै जायखिजाया रादाब बिलाइनि सुजुगिरिनिसिम फोसावनो खावलायना गांसे लाइजाम लिरहर। (मोन 500 सोदोबनि गेजेराव) 10

SECTION-C
(Grammar)

5. क) बर' रावनि जो आथोन फोरमायग्रा दाजाबदानि सोमोन्दै फोरमायना लिर। 5
ख) बेखेवफा दाजाबदानि सोमोन्दै सुंद'वै फोरमायना लिर। 5
ग) बाथ्रा फाव बुडोब्ला मा बुजियो लिर। 5

6. गाहायनि सोंथिफोरनि मोनफ्रोमावबो मोनथाम जाथावना फिनफोर होनाय जादों। बेफोरनि बबेबा मोनसेयाल' गेबें। बे गेबें फिनखौ सायखना दिहुन: 10x1=10

- क) 'जोखुब' सोदोबाव खुब आ मोनसे दाजाबदा। बेनि ओंथिया-
(i) गुबुहोनाय
(ii) गोरा खालामनाय
(iii) गुरै खालामनाय

- ख) 'दान' जों मा दाजाबदा दाजाबोब्ला सोरखौबा दानना फोथैनाय ओंथि मोनगोन?
(i) -स
(i) -खेब
(i) -थार

- ग) 'दावहा' सोदोबजों मा दाजाबदा दाजाबोब्ला बेयो मानसिखौ फोरमायगोन?
(i) -थिलि
(ii) -रु
(iii) -जों

- घ) 'लिरगिरि' सोदोबाव 'गिरि' दाजाबदाया मा ओंथि फोरमायदों?
(i) बिगोमा
(ii) बान्दा
(iii) फिसाइ

- ङ) 'राम' सोदोबजों मा दाजाबदा दाजाबोब्ला जाखां बिदिन्थानि ओंथि फोरमायगोन?
(i) -बाय
(ii) -दोंमोन
(iii) -मोन

- च) 'दैमा' सोदोबाव 'मा' आ मा ओंथि फोरमायदों?
(i) बिमा
(ii) गेदेर
(iii) गुवार

छ) मायहुं सोदोबाव 'हुं' दाजाबदानि सोदोबनि ओंथिया -

- (i) जाबनानै दोननाय
- (ii) जुनानै दोननाय
- (iii) थुमनानै दोननाय

ज) 'बिजाब' सोदोबजों मा उन दाजाबदा दाजाबोब्ला बिजाब मोनग्रा जायगाखौ मिथियो?

- (i) थिलि
- (ii) खुलि
- (iii) बिलि

झ) 'साल खुन्थानि रोदा नागिरनाय' बाध्रा फावनि ओंथिया-

- (i) सिमाडाव जाथावै बाध्रा
- (ii) मोखथाडाव जाथावै बाध्रा
- (iii) सिमां-मोखथां मोननैयावबो जाथावै बाध्रा

ञ) 'अनद्ला खारैयाव आगान थायै' नि ओंथिया-

- (i) सा साज्रां बाध्रा
- (ii) गोथौ बाध्रा
- (iii) जाथावि बाध्रा

SECTION-D
(Literature)

7. तान्दब आरो लास्य मोसानाया मा ?

5

8. गाहायनि सोंथिफोरनि मोनफ्रोमावबो मोनथाम जाथाना फिनफोर होनाय जादों। बेफोरनि बबेबा मोनसेयाल' गेबें। बे गेबें फिनखौ सायखना दिहुनः

10x1=10

क) बिहुराम बर'नि जोनोमा बबेयाव जादोंमोन?

- (i) बेंसिमरि गामियाव
- (ii) एलेंमरि गामियाव
- (iii) फुथिमरि गामियाव

ख) Rev. Sidney Endle आ लिरनाय गांसे बिजाबनि मुडा-

- (i) A collection of Kachari Folk tales and Rhymes
- (ii) The Kacharis
- (iii) The Garos

ग) गोनोखोआरि गोसो माबोरै दानो हायो रायथाइनि लिरिगिरिया-

- (i) ड° जगदीश चन्द्र गस्वामी
- (ii) ड° दीपक चन्द्र गस्वामी
- (iii) ड° दीनेश चन्द्र गस्वामी

घ) सिथर बेरोब्ला सोरनि मुं लायो?

- (i) बिमानि
- (ii) बिफानि
- (iii) बिदानि

ड) 'हाथरिखि-हाला' खौ सोर सुजुदोंमोन?

- (i) ईशान चन्द्र मुसाहारी
- (ii) काली कुमार लाहारी
- (iii) प्रमद चन्द्र ब्रह्म

च) प्रम'द चन्द्र ब्रह्म सुजुनाय दोंसे खन्थाइनि मुडा-

- (i) बादारि
- (ii) रादाब
- (iii) हायेननि सुफिन

छ) 'History repeats itself' होननानै सानसुमाफोरा मानि सोमोन्दै बुंलांदों?

- (i) जारिमिननि सोमोन्दै
- (ii) राजखान्थिनि सोमोन्दै
- (iii) रांखान्थिनि सोमोन्दै

ज) कथक मोसानायाव मानि गलाय मोनदेर दं?

- (i) कथाकलि आरो अडिसिनि
- (ii) कथाकलि आरो तान्दबनि
- (iii) तान्दब आरो लास्यनि

झ) चिदबम-राम शिव मन्दिराव शिवनि मोनबेसे मुसुखा दाननाय दं?

- (i) मोन 108
- (ii) मोन 208
- (iii) मोन 308

ञ) हरिटिकरा मा?

- (i) गंसे फिसा नोगोर
- (ii) गंसे फिसा न'
- (iii) गंसे फिसा गामि

9. 'गोथां गाब गाथोंसै' खन्थाइनि सार बाहागोखौ सुंद' वै लिर।

5

10. गाहायनि सोंथिफोरनि मोनफ्रोमावबो मोनथाम जाथावना फिनफोर होनाय जादों। बेफोरनि बबेबा मोनसेयाल' गेबें। बे गेंबें फिनखौ सायखना दिहुनः

5x1=5

क) संसारनि अत्राय खन्थाइनि लिरगिरिया सोर?

- (i) सतीश चन्द्र बसुमतारी
- (ii) रुपनाथ ब्रह्म
- (iii) प्रम'द चन्द्र ब्रह्म

ख) बेसे गोजोन, बेसे गोजों होननानै खन्थाइगिरिया सोरखौ बुंदों?

- (i) अनजालिखौ
- (ii) गसाइखौ
- (iii) बिमाखौ

ग) सम बेसम खन्थायाव 'फेख्राय लांनाय' सोदोबजों माखौ फोरमायदों?

- (i) दाब्राय लांनाया
- (ii) गोबारै खारनाय
- (iii) लासै खारनाय

घ) दावदो दे दाव बर' हारि खन्थाइनि खन्थाइगिरिया सोर?

- (i) अरबिन्द उजिर
- (ii) निलेश्वर ब्रह्म
- (iii) नन्देश्वर बर'

ङ) गोथां गाब गाथोंसै खन्थाइनि खन्थाइगिरिया सोर?

- (i) धीर्यु
- (ii) अनजु
- (iii) रश्मि

Listening and Speaking

(क) खोनासं लिरनाय (जायखिजाया फरानिफ्राय 150 सो सोदोबनि खोनासं लिरनाय थागोन) 5

(ख) हानजा सावरायनाय (जायखिजाया आयदानि सायाव बिबुंथि लाखिहोगोन आरो गावबा गावनि रोंगौथिखौ बुंथि होनाय जागोन) 5

Handwritten signature
02/11/16
S P Chauran
2/11/16